



შპს კოლეჯი ცხუმ-ეგრისი 2025 წლის წლიური ანგარიში

2025 წელს კოლეჯის საქმიანობიდან გამოიყოფა რამდენიმე მიმართულება

კოლეჯის პროგრამები:

შპს ცხუმ-ეგრისის (შემდგომში კოლეჯი) 2025 წლის ყველაზე მნიშვნელოვანი იყო ის, რომ კოლეჯმა მოიპოვა უპირობო ავტორიზაცია 6 წლის ვადით.

კოლეჯში მთელი წლის განმავლობაში ხორციელდებოდა შვიდი პროფესიული საგანმანათლებლო პროგრამა (საექთნო საქმე, ფარმაცია (სააფთიაქო), აღმზრდელი; ელექტრობა, ინფორმაციის ტექნოლოგია. საფინანსო სერვისები და ბუღალტრული აღრიცხვა და პროფესიული მომზადებისა და პროფესიული გადამზადების პროგრამები. არსებული პროგრამების სასწავლო გეგმის მიხედვით დაიგეგმა და განხორციელდა სასწავლო პროცესი, ყველა გრძელვადიან და მოკლევადიან პროგრამებზე ხდებოდა სასწავლო გეგმის შესაბამისად სასწავლო განრიგის -ცხრილების შედგენა და მათი განთავსება საინფორმაციო დაფაზე, ასევე გავრცელება facebook - დახურულ ჯგუფებში. პროფესიულ სტუდენტთა ჯგუფური მუშაობისათვის გამოიყო შესაბამისი სივრცე..

წლის განმავლობაში ხდებოდა პროგრამებში ჩართული პროფესიული განათლების მასწავლებლების და პრაქტიკის ინსტრუქტორების კონსულტირება, იგეგმებოდა და ხორციელდებოდა მოდულების განხორციელებისათვის საჭირო აქტივობები, დგებოდა კალენდარული გეგმები, ანალიზდებოდა საჭირო სასწავლო რესურსი, მიმდინარეობდა თეორიული და პრაქტიკული სწავლებისათვის საჭირო მატერიალურ-ტექნიკური აღჭურვილობის შეძენა და განახლება.

პროგრამებს ფარმაცია (სააფთიაქო) და ინფორმაციის ტექნოლოგია დაემატა პრაქტიკის ობიექტი და გაფორმდა ახალი ურთიერთანამშრომლობის ხელშეკრულება.

სასწავლო პროცესის სამსახური ახდენდა პროფესიული სტუდენტების შეფასების მტკიცებულებების აღრიცხვას , პროფესიული განათლების მასწავლებელთა შეფასებების შესაბამისობის კონტროლს მოდულის შედეგების შესაბამისად, შეფასების უწყისების შედგენის პროცედურისა და განათლების მასწავლებლების საანგარიშო

ფორმებისა და კალენდარული გეგმების კონტროლს, პროფესიული განათლების მასწავლებლების ინფორმირებას მოდულის დაწყება- დასრულების პერიოდების შესახებ.

პრაქტიკული კომპონენტის დაწყების წინ ხდებოდა პრაქტიკის ობიექტზე დასწრების ჟურნალის , პრაქტიკის დაწყებამდე ინსტრუქტორებთან შეხვედრა, პროგრამის ხელმძღვანელთან ერთად და შემდეგ უკვე პრაქტიკის ობიექტზე პრაქტიკული ნაწილის განხორციელების მონიტორინგი და კონტროლი.

2025 წლის 10-11 ოქტომბერს საქართველოს კერძო კოლეჯების ასოციაციის ორგანიზებით მე-2 კოლეგიალური ვიზიტი გაიმართა თემაზე „ადამიანური რესურსების მართვა და განვითარება“, რომლის ერთ-ერთი მასპინძლი იყო კოლეჯი „ცხუმ-ეგრისი“.

გაიმართა შპს კოლეჯი ცხუმ-ეგრისის პროფესიული სტუდენტების მიღებასთან დაკავშირებით მიმდინილი ღონისძიება.

პროფესიული სტუდენტებისა და პერსონალის წახალისების მიზნით მოეწყო შემეცნებითი ექსკურსია :

- ✚ ორდლიანი ტური სვანეთში (მესტია - უშგული);
- ✚ შეკვეთილის დენდროლოგიურ პარკი / პრომეთეს მღვიმე.

ხარისხის უზრუნველყოფა

კოლეჯის ხარისხის მენეჯერი პასუხისმგებელია სასწავლო პროცესის განხორციელების ხარისხზე და საგანმანათლებლო საქმიანობის მუდმივ დინამიურ განვითარებაზე. ზრუნავს კოლეჯის განვითარებაზე.

ხარისხის მენეჯერის ზედამხედველობით განხორციელდა შემდეგი ღონისძიებები:

შიდა ხარისხის სისტემის მუდმივი გაუმჯობესება ხორციელდებოდა შიდა და გარე ფაქტორებისგან მიღებული უკუკავშირის გაანალიზებით, ხარისხის მენეჯერის მიერ შპს ცხუმ-ეგრისის 2025 წლის ხარისხის უზრუნველყოფის გეგმით გაიწერა (დირექტორის ბრძანება №01-01 /14/01/2025) სამი ძირითადი მიზანი: შპს კოლეჯი ცხუმ-ეგრისის მიერ რეაგტორიზაციის განაცხადის წარდგენა ცენტრში (გარე შეფასება), ხარისხის მექანიზმზე დაყრდნობით ძირითადი პროცესების მონიტორინგი (შიდა შეფასება) და ხარისხის მექანიზმზე დაყრდნობით დამხმარე პროცესების მონიტორინგი (შიდა შეფასება).

ხარისხის უზრუნველყოფის გარე მექანიზმები ითვალისწინებდა: გარე შეფასებას - რეაგტორიზაციის თვითშეფასების ანგარიშის მომზადებას და წარდგენას ცენტრში; რაც შეეხება შიდა შეფასებას - განხორციელდა ორი მიმართულებით : ხარისხის მექანიზმზე დაყრდნობით ძირითადი პროცესების მონიტორინგი და ხარისხის მექანიზმზე დაყრდნობით დამხმარე პროცესების მონიტორინგი.

საგანმანათლებლო პროგრამების განვითარების ფარგლებში განხორციელდა:

პროფესიული სტუდენტებისა და პროფესიული განათლების მასწავლებელთა კმაყოფილების კვლევა თებერვლის თვეში. კვლევის შედეგების გაანალიზების შედეგად გაიცა რეკომენდაციები.

განხორციელდა შეფასების სისტემის ვერიფიკაცია 2025 წლის ხარისხის განვითარების გეგმის შესაბამისად.

ხარისხის მენეჯერის მიერ განხორციელდა გახარჯული მასალა ნედლეულის მონიტორინგი შპს კოლეჯ ცხუმ-ეგრისში მასალა ნედლეულის შეძენა და გახარჯვა ხორციელდება მარეგულირებელი დოკუმენტაციის შესაბამისად.

პროფესიული სტუდენტების ჩარიცხვის, სტატუსის შეჩერების, შეწყვეტის მონიტორინგი-- ხარისხის მენეჯერის მიერ დაიგეგმა ოქტომბრის თვეში.

ხარისხის მექანიზმზე დაყრდნობით დაიგეგმა დამხმარე პროცესების მონიტორინგი:

რეესტრის წარმოება-- ხარისხის მენეჯერის მიერ განხორციელდა რეესტრის წარმოების მონიტორინგი. განხორციელდა 2025 წლის ხარისხის უზრუნველყოფის გეგმით დადგენილ ვადებში.

საბიბლიოთეკო სერვისები: საბიბლიოთეკო და სასწავლო რესურსის მონიტორინგი და სრულყოფა-- კოლეჯი ცხუმ-ეგრისის საბიბლიოთეკო და სასწავლო რესურსის მონიტორინგი განხორციელდა შპს ცხუმ-ეგრისის 2025 წლის ხარისხის უზრუნველყოფის გეგმის შესაბამისად.

ფინანსური რესურსის მართვა: აგვისტოს თვეში განხორციელდა შპს კოლეჯი ცხუმ-ეგრისის პროფესიული საგანმანათლებლო პროგრამების ანგარიშგების შეფასება და გაიწერა ციკლური ბიუჯეტი.

ადამიანური რესურსების მართვა: პროფესიული განათლების მასწავლებელთა დატვირთვების მონიტორინგი განხორციელდა ივნისსა და ივლისის თვეში შპს ცხუმ-ეგრისის 2025 წლის ხარისხის უზრუნველყოფის გეგმის შესაბამისად , გადაიხედა პერსონალის სამუშაო აღწერილობები.

მატერიალური რესურსის მართვა: სასწავლო პროცესის ორგანიზებისათვის მატერიალური რესურსის მონიტორინგი- განხორციელდა შპს კოლეჯი ცხუმ-ეგრისის 2025 წლის ხარისხის უზრუნველყოფის გეგმის შესაბამისად .

უსაფრთხოება და წესრიგის დაცვა:

ხარისხის მენეჯერის მიერ განხორციელდა კოლეჯის შენობის სასწავლო გარემოში პროფესიულ სტუდენტთა და თანამშრომელთა უსაფრთხო სასწავლო გარემოს მონიტორინგი და ხელშეკრულების ფარგლებში პრაქტიკის ობიექტზე უსაფრთხო სასწავლო გარემოს არსებობის შექმნის მიზნით შეთანხმებათა მონიტორინგი.

შრომის უსაფრთხოების მიზნით საქართველოს კანონმდებლობის შესაბამისად, კოლეჯში რისკები ფასდება არაუგვიანეს 6 თვეში ერთხელ, 2025 წელს რისკები შეფასდა და გამოიკვეთა საფრთხეები, რომელიც შესასრულებლად დაევალა პასუხისმგებელ პირებს.

საქართველოს კანონმდებლობის შესაბამისად ინსტრუქტაჟები ჩაუტარდა კოლეჯის მასწავლებლებს და ადმინისტრაციას, პროფესიულ სტუდენტებს.ინსტრუქტაჟები აღრიცხება შესაბამის ჟურნალებში.

საზოგადოებასთან ურთიერთობები: ხარისხის მენეჯერის მიერ განხორციელდა კოლეჯის ოფიციალური ვებგვერდისა და სოციალური გვერდის მონიტორინგი, რომელიც განხორციელდა 2025 წლის ხარისხის უზრუნველყოფის გეგმით დადგენილ ვადებში.

საქმისწარმოება (დოკუმენტბრუნვა):განხორციელდა ხარისხის მენეჯერის მიერ საქმისწარმოების წესის შესრულების მონიტორინგი განხორციელდა 2025 წლის ხარისხის უზრუნველყოფის გეგმით დადგენილ ვადებში.

პროფორიენტაცია და კარიერული განვითარება:

ხარისხის მენეჯერის მიერ დაიგეგმა პროფესიული სტუდენტების დამსაქმებელთა შეხვედრებისა და კურსდამთავრებულთა დასაქმების ხელშეწყობის მონიტორინგი, რომელიც განხორციელდა 2025 წლის ხარისხის უზრუნველყოფის გეგმით დადგენილ ვადებში.

სტუდენტური სერვისები.

კოლეჯში განსაკუთრებული ყურადღება დაეთმო სტუდენტულ სერვისებს.

წლის განმავლობაში ჩატარდა ჩატარდა არაერთი აქტივობა პროფესიული სტუდენტებისთვის. პროფესიული სტუდენტები გაცნობით -საინფორმაციო შეხვედრებზე გაეცნენ სასწავლო პროცესისთვის სავალდებულო წესებს, უსაფრთხოების წესებს და საკუთარ უფლებებსა და მოვალეობებს. მყარდებოდა უწყვეტი კომუნიკაცია პროფესიულ სტუდენტებთან მეილების, სოც. ქსელებისა და სატელეფონო კავშირის საშუალებით, კოლეჯის მიერ მხარდაჭერლი იყო სტუდენტების ყველა ინიციატივა.

პროფესიული სტუდენტებისთვის ჩატარდა არაერთი ექსტრაკურთკულური აქტივობა, შემეცნებითი და კულტურული. მათ შორის:

- ✚ პირველ ივნისი- ბავშვთა დაცვის საერთაშორისო დღე !
- ✚ ექთნისა და ფარმაცევტის საერთაშორისო დღე!
- ✚ პროფესიული, ტრანსფერული უნარ - ჩვევების და მოტივაციის ამაღლების მიზნით, ხდებოდა პროფესიული სტუდენტების ჩართვა სხვადასხვა ღონისძიებებში.
- ✚ აიპ პროფესიული უნარების სააგენტოს ორგანიზებით, ა.წ. 19-21 მაისს ქ. თბილისში განათლების საერთაშორისო კვირეული გაიმართა. ღონისძიებას ესწრებოდნენ კოლეჯი ცხუმ-ეგრისის წარმომადგენლები. კვირეულის ფარგლებში, სხვა მონაწილეების მსგავსად, კოლეჯის წარმომადგენლებმა დამსწრე საზოგადოებას თემატური პრეზენტაცია წარუდგინეს კოლეჯის სასწავლო პროგრამების შესახებ.
- ✚ ა.წ. 9 სექტემბერს პროფორიენტაციის ფარგლებში ჩატარდა პროფესიული სტუდენტების შეხვედრა სსიპ დასაქმების ხელშეწყობის სახელმწიფო სააგენტოს წარმომადგენლებთან!
- ✚ 2025 წლის 20 ოქტომბერს გაიმართა კორპორაცია „პსპ ფარმას “ ონლაინშეხვედრა ფარმაციის პროგრამის პროფესიულ სტუდენტებთან. შეხვედრის მიზანი იყო სტუდენტებისა და მასწავლებლებისთვის კომპანიის აქტივობების გაცნობა, შიდა ვაკანსიებისა და სტაჟირების პროგრამის შეთავაზება , კარიერული ზრდის შესაძლებლობის მიმოხილვა.
- ✚ სსიპ დასაქმების ხელშეწყობის სახელმწიფო სააგენტოს კონსულტანტები ეწვივნენ ცხუმ-ეგრისის , შეხვედრა პროფესიულ სტუდენტებთან საინფორმაციო ხასათს ატარებდა პროფორიენტაციისა და კარიერის მართვის მიმართულებით.
- ✚ პროფესიულ სტუდენტებმა და კურსდამთავრებულებმა აქტიური მონაწილეობა მიიღეს დასაქმების ფორუმში, რომელიც გაიმართა ზუგდიდში სსიპ-დასაქმების ხელშეწყობის სააგენტოს ორგანიზებით.

- ✚ 2025 წლის 23 ოქტომბერს ზუგდიდის ძალადობის მსხვერპლთა მომსახურების კრიზისული ცენტრის ორგანიზებით ჩატარდა საინფორმაციო ხასიათის შეხვედრა კოლეჯის პროფესიულ სტუდენტებთან
- ✚ 6 ნოემბერს კოლეჯში გაიმართა საექთნო საქმის პროფესიული სტუდენტების შეხვედრა ქალბატონ ნელი პაპაშვილთან.
- ✚ 2025 წლის 5 დეკემბერს კოლეჯ ცხუმ-ეგრისის ეზოში საზეიმო ვითარებაში გაიმართა კურსდამთავრებულთა დიპლომების გადაცემის ცერემონია.
- ✚ ა.წ. 8 დეკემბერს, ზუგდიდში, სასტუმრო “დადიანი ინ”-ში გაიმართა ახალგაზრდების დასაქმების ფორუმი, სადაც მონაწილეობა მიიღეს კოლეჯის პროფესიულმა სტუდენტებმა.
- ✚ ა.წ. 3 ივნისს კოლეჯში ჯანმრთელობის ხელშეწყობის სახელმწიფო პროგრამის ფარგლებში, საქართველოს ჯანმრთელობის ფედერაციისა და საქართველოს ჯანმრთელობისა და განათლების ფონდის ორგანიზებითა და დაავადებათა კონტროლისა და საზოგადოებრივი ჯანმრთელობის ეროვნული ცენტრის ხელმძღვანელობით, გაიმართა სემინარი ტუბერკულოზისა და აივ-ინფექცია-შიდსის შესახებ.
- ✚ ა.წ. წლის 18 აპრილს ზუგდიდის მოსწავლე ახალგაზრდობის სასახლეში ჩატარდა საქველმოქმედო კონცერტი, რომლის ორგანიზატორი იყო საქველმოქმედო ორგანიზაცია „დახმარებისა და ინტეგრირების ლიგა“. კონცერტს ესწრებოდნენ კოლეჯის წარმომადგენლები.

დოკუმენტებზე მუშაობა

დოკუმენტბრუნვაზე სამუშაოები მიმართული იყო კოლეჯში შემოსული და კოლეჯიდან გასული დოკუმენტაციის რეგისტრაციის, შემოსული დოკუმენტაციის დროული განხილვის, განაწილების, დოკუმენტების შესრულებაზე მიმდინარე პროცესის და დადგენილ ვადებში მათი გაფორმების მენეჯმენტის სრულყოფისაკენ,

შეიქმნა მუდმივმოქმედი კომისია, რომელსაც დაევა კოლეჯის მარეგულირებელი სამართლებრივი აქტების გადახედვა/განახლება. განახლებული მარეგულირებელი დოკუმენტები განთავსებულია კოლეჯის ვებგვერდზე.

გადაიხედა/განახლდა ადმინისტრაციული პერსონალის და პროფესიული მასწავლებლების შრომითი ხელშეკრულებები.

2025 წელს კოლეჯში ჩაირიცხა 165 პროფესიული სტუდენტი:

პროფესიული სტუდენტის სტატუსი შეუჩერდა 6 პროფესიულ სტუდენტს ;

გაფორმდა ხელშეკრულებები პროფესიულ სტუდენტებთან და გატარდა რეგისტრაციაში.

წლის განმავლობაში მომზადდა და გაიცა პროფესიული სტუდენტების დიპლომები და სერტიფიკატები ;

წლის განმავლობაში აღირიცხა შემოსული და გასული კორესპოდენცია. ხდებოდა შემოსული და გასული კორესპოდენციის ადრესატისათვის გადაცემის და მათ შესარულებაზე კონტროლი.

მოხდა წლიური ბრძანებების რეესტრის წარმოება.

სხვადასხვა აქტივობა

„საქართველოში ბუღალტრული აღრიცხვისა და ანგარიშგების შესახებ დებულების დამტკიცებაზე“ საქართველოს პრეზიდენტის 1998 წლის 16 თებერვლის N70 ბრძანებულებით დამტკიცებული დებულების შესაბამისად, საინვენტარიზაციო კომისიის მიერ სრულად მოხდა სასწავლო ოთახებში, კაბინეტებში, სათავსოებში, მატერიალური ფასეულობების აღწერა.

IT მენეჯერის მიერ შეფასდა კოლეჯის კომპიუტერული ბაზის, ტექნიკის, ქსელის და ტექნიკური საშუალებები, მიმდინარე საჭიროებები. კოლეჯში შეძენილ იქნა განვითარების გეგმის შესაბამისად კომპიუტერული ტექნიკა გამოვლინდა ინტერნეტის მიწოდების (ძირითადად არასაკაბელო) ხარვეზები და დაისახა თანმიმდევრული გეგმა ხარვეზების აღმოფხვრისთვის. მოხდა კომპიუტერული ლაბორატორიის კომპიუტერების ოპერაციული სისტემით უზრუნველყოფა. ბიბლიოთეკაში არსებულ კომპიუტერებზე საკაბელო ინტერნეტის ქსელის გაუმართობის გასწორება. მოხდა ინტერნეტ ქსელის სრული მონიტორინგი, უკაბელო ინტერნეტის რამდენიმე პაზის გადანაცვლება.

ბიბლიოთეკაში ყველა ახალი წიგნი გატარებულია ბიბლიოთეკის ფონდის საინვენტარო წიგნში. საბიბლიოთეკო ფონდი სისტემურად ივსებოდა და ახლებოდა წლის განმავლობაში და დაინტერესებულ პირებს: სტუდენტებს, პროფესიული განათლების მასწავლებლებს ეფექტურად ემსახურებოდა ბიბლიოთეკა. ყველა პროგრამის ელ. წიგნები მოდულების შესაბამისად ატვირთულია ვებგვერდზე. პროფესიულ სტუდენტები იცნობენ საბიბლოთეკო რესურსებსა და მათი სარგებლობის წესებს.

PR-ის მიმართულებით კოლეჯის შემდგომი PR კამპანიის წარმართვისთვის კოლეჯის შეცვლილი ლოგოს საფუძველზე შეიქმნა ახალი ბანერები და სტიკერები. კოლეჯის ტერიტორიაზე ძველი ლოგოთი არსებული ბანერები და სტიკერები ჩანაცვლდა ახლით.

დასაქმების კუთხით ხდება სხვადასხვა კომპანიებთან შეხვედრა, ასევე სისტემატიურად ხორციელდება ფეისბუქ ჯგუფებში დასაქმებასთან დაკავშირებით ინფორმაციის განთავსება, კერძოდ „აქტიური ვაკანსიების გაზიარება პროფესიული პროგრამების მიხედვით.

კოლეჯის ვებ-გვერდზე და სოციალურ ქსელში ხდება არსებული პროფესიული პროგრამების პერიოდული რეკლამირება. მათ შორის ფასიანი რეკლამის გაშვება facebook გვერდზე.

რეგიონის მაშტაბით დამსაქმებლების მოძიება და შეხვედრის უზრუნველყოფის ფარგლებში, პროფესიული საგანმანათლებლო პროგრამის ფარმაცია (სააფთიაქო) ხელმძღვანელთან ერთად ორგანიზებით კოლეჯში ცხუმ-ევრისის გაიმართა პროფესიული სტუდენტების შეხვედრა პრაქტიკის ობიექტის წარმომადგენლებთან.

განხორციელდა პროფესიული საგანმანათლებლო პროგრამების პოპულარიზაცია სხვადასხვა არხების გამოყენებით. მათ შორის: გაიგზავნა პროფესიულ საგანმანათლებლო პროგრამებზე ინფორმაცია ტექსტური შეტყობინების მეშვეობით (სმს) და მოვიცავით სრულად სამეგრელო -ზემო სვანეთის ტერიტორიაზე

რეგისტრირებული აბონენტები. კოლეჯის ვებ-გვერდზე და სოციალურ ქსელში ხდებოდა არსებული პროფესიული პროგრამების პერიოდული რეკლამირება. მათ შორის ფასიანი რეკლამის გაშვება facebook გვერდზე.

ბიუჯეტი

კოლეჯის წლიურ სამოქმედო გეგმაში გაწერილი აქვს კონკრეტული ამოცანის/პროექტის ბიუჯეტი. რის შესაბამისად იგეგმება დაწესებულების ბიუჯეტი. აღნიშნული ინდიკატორის მტკიცებულებათა, ასევე ის გარემოება, რომ სტრატეგიული გეგმის (2020-2027 წწ) სტრატეგიული ამოცანების მნიშვნელოვანი ნაწილი შესრულებულია, მაგ. საგანმანათლებლო და პროფესიული მომზადების პროგრამების დამატება, პროფესიულის სტუდენტების კვოტის გაზრდა, ინფრასტრუქტურის განახლება. მუდმივად გამოიყოფა რესურსები პერსონალის განვითარებისთვის.

კოლეჯის ძირითადი შემოსავლების წყაროს წარმოადგენს პროფესიული სტუდენტის სახელმწიფოს მიერ ვაუჩერული დაფინანსება. დაწესებულებას სტრატეგიული გეგმის ერთ-ერთი ამოცანაა შემოსავლებისა და დაფინანსების წყაროების დივერსიფიცირება, რასაც მოიაზრებს სხვადასხვა ტიპის პროგრამების დამატებითა და განხორციელებით. ამ მიზნითა და ბაზრის მოთხოვნების გათვალისწინებით დაიმატა პროფესიული მომზადების/პროფესიული გადამზადების პროგრამები, შესაბამისად უზრუნველყო სახელმწიფო დაფინანსება აღნიშნულ პროგრამებზე. კოლეჯის ძირითადი შემოსავლების წყაროს წარმოადგენს პროფესიული სტუდენტის სახელმწიფოს მიერ ვაუჩერული დაფინანსება. კოლეჯს დაგეგმილი აქვს პროფესიული საგანმანათლებლო პროგრამის “მასაჟის თერაპია ” დამატება.

კოლეჯის ყოველწლიური ფინანსური ანგარიში, განთავსებულია ბუღალტრული აღრიცხვის, ანგარიშგებისა და აუდიტის ზედამხედველობის სამსახურის გვერდზე <https://www.saras.gov.ge/ka/Home/>